

TAFLEN GWYBODAETH

Diogelu Grwpiau Bregus

MAE CARTREFI CYMUNEDOL GWYNEDD (CCG) YN CYDNABOD EI GYFRIFOLDEB I DDIOGELU GRWPIAU BREGUS SYDD MEWN RISG RHAG NIWED. Y PRIF AMCAN YW AMDDIFFYN A HYRWYDDO LLES POB GRŴP BREGUS.

- Rydym yn cefnogi ac atgyfnerthu deddfwriaeth bresennol a chanllawiau sydd wedi ei gynnwys yn y Ddeddf Diogelu Grwpiau Bregus 2006; a Gweithdrefnau Amddiffyn Plant Cymru Gyfan 2008; a Gweithdrefnau a Pholisi Cymru Gyfan ar gyfer Amddiffyn Oedolion Bregus rhag Camdriniaeth 2010; Deddf Gwasanaethau Cymdeithasol a Llesiant (Cymru) 2014 a'r Ddeddf Caethwasiaeth Fodern 2015.
- Rydym hefyd yn gweithio gyda phartneriaid lleol i gael cysondeb gyda fframwaith a phrotocolau sydd wedi eu cytuno yn lleol.

Mae diogelu yn golygu amddiffyn plant ac oedolion rhag camdriniaeth neu esgeulustod ac addysgu'r rheini sydd o'u hamgylch i adnabod yr arwyddion a pheryglon.

Pwy gaiff ei ddiffinio fel bregus?

- Oedolyn bregus yw rhywun sy'n 18 mlwydd oed neu drosodd sydd angen gwasanaethau gofal y gymuned oherwydd problemau iechyd meddwl, problemau addysgol neu anableddau eraill, oed neu salwch; neu berson sydd neu all fod heb y gallu i gymryd gofal o'u hunain neu ddim yn gallu amddiffyn eu hunain yn erbyn niwed neu gael eu hecsbloetio.
- Caiff 'plentyn' neu 'berson ifanc' ei ddefnyddio i ddisgrifio rhywun o dan 18 mlwydd oed

Rydym yn cydnabod bod gan grwpiau bregus, sy'n cynnwys plant ac oedolion sydd mewn risg, yr ydym ni'n darparu gwasanaethau iddynt yr hawl i gael eu hamddiffyn rhag camdriniaeth a'r safon gorau un o ofal.

Rydym wedi ymrwmo i amddiffyn grwpiau bregus ac ymdrin â honiadau, pryderon neu ddatgelu camdriniaeth neu esgeulustod yn effeithiol.

Byddwn yn cadw cyfrinachedd wrth ymdrin â materion o ddiogelu ond efallai y byddwn yn rhannu gwybodaeth gydag asiantaethau sy'n bartneriaid i ni (er enghraifft, Gwasanaethau Cymdeithasol, yr Heddlu, Asiantaethau Camdrin yn y Cartref) yn unol â deddfwriaeth berthnasol a phrotocolau wedi eu cytuno.

Mae rhannu a chyfnewid gwybodaeth berthnasol yn effeithiol rhwng pobl broffesiynol yn hanfodol er mwyn diogelu grwpiau bregus.

Byddwn yn cydymffurfio yn llawn gydag asiantaethau a phartneriaid eraill wrth ymdrin â materion diogelu

Beth yw camdriniaeth?

Gall camdriniaeth ddigwydd mewn sawl ffordd (ac yn cynnwys camdrin yn digwydd mewn unrhyw le, boed yn anedd preifat, sefydliad neu unrhyw le arall) gan gynnwys:

- Corfforol
- Rhywiol
- Emosiynol / seicolegol
- Economaidd ac ariannol - yn cynnwys cael arian neu eiddo arall wedi'i ddwyn; cael eich twyllo, cael eich rhoi dan bwysau mewn perthynas ag arian neu eiddo arall neu camddefnydd o arian neu eiddo arall.
- Esgeulustod
- Gwahaniaethol a / neu drosedd casineb
- Camdriniaeth yn y cartref
- Priodas orfodol
- Caethwasiaeth Fodern - gan gynnwys masnachu pobl, caethwasiaeth, caethwasiaeth plant, wedi dal mewn dyled, a llafur dan orfod neu lafur gorfodol

Yn parhau drosodd >>



T A F L E N G W Y B O D A E T H

Diogelu Grwpiau Bregus

Mae diffiniadau llawn o bob math o gamdriniaeth wedi eu cynnwys yn y Polisi Diogelu Grwpiau Bregus CCG.

Mae esgeulustod yn golygu - yr anallu i gwrdd ag anghenion corfforol a/neu feddyliol sylfaenol person ifanc neu oedolyn a all olygu nam difrifol i'w llesiant e.e amhariad ar iechyd unigolyn neu amhariad ar ddatblygiad plentyn.

Dangosyddion camdriniaeth ac esgeulustod:

Mae yna sawl dangosydd o gamdriniaeth, bydd y rhain yn amrywio oherwydd y math o gamdriniaeth ac esgeulustod.

- Efallai y bydd dioddefwyr camdriniaeth corfforol yn dangos tystiolaeth o grafiadau, cleisiau, llosgiadau a sgaldiadau.
- Efallai y bydd dioddefwyr camdriniaeth rywiol yn mynd yn fewnblyg, yn ei chael hi'n anodd cerdded neu eistedd neu fod newid yn eu hymddygiad arferol.
- Efallai y bydd dioddefwyr emosynol neu seicolegol yn dangos lefelau uchel o straen neu bryder, yn hunan niweidio, yn dangos arwyddion o iselder neu eisiau sylw.
- Dangosyddion posib o gamdriniaeth ariannol neu economaidd yw diffyg eiddo fel dillad neu eitemau personol fel ffôn symudol.
- Efallai y bydd dioddefwyr o esgeulustod yn dangos y canlynol - iechyd yn dirywio, brechau, doluriau, dillad anaddas neu gyflyrau iechyd sydd heb eu trin.

Gellir cael rhestr lawn o gamdriniaeth ac esgeulustod a dangosyddion ym Mholisi Diogelu Grwpiau Bregus CCG.

Un o egwyddorion pwysicaf diogelu yw bod hyn yn gyfrifoldeb ar pawb.



Dim ein dyletswydd ni yw profi fod camdriniaeth neu esgeulustod ond mae'n ddyletswydd arnom i adrodd unrwy bryder.

Sut i Adrodd?


Os oes yna sefyllfaoedd sy'n achosi pryder lle mae yna risg dylech adrodd i Gofal Cwsmer ar **0300 123 8084** cyn gynted â phosib.

Os tu allan i oriau (5pm-9am) cysylltwch â Cyngor Gwynedd ar **01248 353 551** neu'r Awdurdod Lleol perthnasol.

Os oes pryder dybryd am ddiogelwch galwch y Gwasanaeth Brys ar **999**.

Am fwy o wybodaeth

Cysylltwch gyda ni ar **0300 123 8084** neu www.ccgwynedd.org.uk am wybodaeth bellach neu am gopi o'r Polisi Diogelu Grwpiau Bregus.



Os hoffech gael y daflen hon mewn fformat gwahanol, fel llythrennau bras neu mewn iaith arall, cysylltwch â ni ar 0300 123 8084.



**CARTREFI CYMUNEDOL
GWYNEDD**